



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 19. Concilium Arelatense tertium.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

vir Sanctus tot annos egerat. Hæc ex porticibus per fenestras conspiciebatur; Sæculum V. A.C. 461
 fæminis autem eandem non nisi per portas videre licebat, nam in Ecclesiam non admittebantur.

§. XIX.

Concilium Arelatense tertium.

In Gallia Monasterium Lerinense post S. Honoratum nactum est Abbatem Martyr. R. 27. Nov.

S. Maximum, postea Episcopum Rejensem, dono Miraculorum illustrem, cujus memoriam Ecclesia 27. Nov. celebrat. Ipsi tam in una, quam in altera Dignitate successit Faustus. Is cum Abbatia Lerinensi præfesset, inter ipsum & Episcopum Fori Julii orta est, nam Lerinum illa ætate Diocesis hujus Episcopi pars erat. Ravennius Episcopus Arelatensis, ut litem finiret, Concilium tredecim Episcoporum coegit, interfuere ipse Ravennius cum Rustico Narbonensi, & illius Provinciae Episcopi. Abbas, & Monachi Lerinenses quoque advenerunt. In hoc Concilio in primis decretum, Theodorum Episcopum Fori Julii rogare, ut ad tollendum scandalum, Fausti Abbatis Lerinensis Satisfactionem reciperet, præterita oblivioni mandaret, in amicitiam rediret, & ad suum Cænobium dimitteret. Auxilia etiam, quæ promisisset, sicut antea præstaret, nec plus juris in istud Monaste-

Epist. to. 4. Conc. pag. 1023.

Hist. Eccles. Tom. VI. E e e rium

Sæculum V.
A.C. 462.

rium, quam Leontius antecessor ejus, sibi tribueret, nimirum Clerici, & Ministri Altaris ab ipso solo, aut ab illo, cui id commisisset, ordinarentur, ipse solus Sacrum Chrisma distribueret, & Neophytos, si qui essent, confirmaret, Clerici exteri absque ipsius jussu non reciperentur. His vero additum, ut tota Laicorum hujus Monasterii multitudo sub Abbatis, quem elegissent, potestate esset, nec Episcopo quidquam juris in eos sit, aut aliquem inter Clericos, nisi ab Abbate rogatus, suscipere possit.

Hic jura Episcoporum in Monasteria dispiciuntur, atque deprehenditur origo exemptionis, in eo fundatæ, quod Communitas ex Laicis constaret, sibi Superiorem eligentibus. Istud Concilium inter Arelatensia tertium numeratur, nec tardius, quam anno 461. celebrari potuit, cum ab initio anni sequentis Leontius Archiepiscopus Arelatensis post Ravenium fuerit. Id cognoscitur ex Hilari Papæ epistolis, qui Leontio 25. Jan. anno 462. Imperatore Severo Consule, scripsit, ut ipsi Electionem suam pro more notam faceret, rogaretque, ut eam omnibus Episcopis, sibi subjectis, significaret.

v. not. Sirm.
p. 1025.

Hilar. Ep. 5.
tom. 4. Conc.
p. 1039.

§. XX.

Concilium Turonense.

Paulo ante aliud Concilium Turone decimo